

ԱՐՁԱՆԱԳՐՈՒԹՅՈՒՆ N 5

ՀՀ ԱՐՄԱՎԻՐԻ ՄԱՐԶՊԵՏ ԱՐԳԻՇՏԻ ՄԵԽԱԿՅԱՆԻ ՄՈՏ 2025 ԹՎԱԿԱՆԻ ՓԵՏՐՎԱՐԻ
10-ԻՆ, ԺԱՄԸ 11:00-ԻՆ ԿԱՅԱՑԱԾ ԳՈՐԾԱԿԱՐԳԱՎԱՐԱԿԱՆ ԽՈՐՀՐԴԱԿՑՈՒԹՅԱՆ

Մասնակցությամբ՝

- Արմավիրի մարզպետի աշխատակազմի գլխավոր քարտուղար՝ Արամ Հովհաննիսյանի
- Արմավիրի մարզպետի խորհրդական՝ Բարսեղ Նիկողոսյանի
- Արմավիրի մարզպետի օգնական՝ Մանվել Մելիքյանի
- Արմավիրի մարզպետի օգնական՝ Նարեկ Խաչատրյանի
- Արմավիրի մարզպետի աշխատակազմի կառուցվածքային ստորաբաժանումների ղեկավարների
- Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության գլխավոր մասնագետ՝ Տաթևիկ Մկրտչյանի

Օ Ր Ա Կ Ա Ր Գ ՈՒ Մ՝

1. ՀՀ Արմավիրի մարզպետի մոտ 03.02.2025թ.կայացած գործակարգավարական խորհրդակցության ընթացքում մարզպետի կողմից տրված հանձնարարականների կատարման ընթացքի և մարզում առկա մի շարք հրատապ խնդիրների քննարկում

Քննարկվեցին՝

Հարց 1. ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող թվով 10 հանրակրթական ուսումնական հաստատությունների կողմից անշարժ գույքի հանձնման ուղղությամբ տարված աշխատանքների և արդյունքների վերաբերյալ տեղեկատվության ներկայացում

/Դավիթ Ավետիսյան–
ՀՀ Արմավիրի մարզպետի աշխատակազմի
քաղաքաշինության, հողաշինության և
ենթակառուցվածքների
կառավարման վարչության պետ/

Հարց 2. Արգինայի միջնակարգ դպրոցի անշարժ գույքը ՀՀ պետական գույքի կառավարման կոմիտեին հանձնելու խնդիրների լուծման ուղղությամբ տարվող աշխատանքների վերաբերյալ տեղեկատվության ներկայացում

/Գոռ Հովհաննիսյան–ՀՀ Արմավիրի մարզպետի աշխատակազմի
տարածքային կառավարման և տեղական
ինքնակառավարման հարցերի վարչության պետ /

Օրակարգային առաջին և երկրորդ հարցերի կապակցությամբ ամփոփ տեղեկատվությամբ հանդես եկած ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանը և ՀՀ Արմավիրի մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ Գոռ Հովհաննիսյանը նշեցին, որ ՀՀ պետական գույքի կառավարման կոմիտեին չհանձնված թվով 10 դպրոցների անշարժ գույքի հանձնման ուղղությամբ կատարվում են ամենօրյա աշխատանքներ /փաստաթղթերի ուսումնասիրություն, այցելություններ դպրոցներ, քննարկումներ ՀՀ պետական գույքի կառավարման կոմիտեի աշխատակիցների հետ/ և արդյունքների մասին աղյուսակի տեսքով ներկայացրեցին ներքոհիշյալ հետևյալ տեղեկատվությունը.

Անշարժ գույքի անվանումը	Անշարժ գույքի հասցեն	Պետական գույքի կառավարման կոմիտեին չհանձնելու պատճառները	Անշարժ գույքի հետ կապված խնդիրների լուծման ուղղությամբ տարվող աշխատանքները
«Արմավիրի Մովսես Սիլիկյանի անվան N6 հիմնական դպրոց» ՊՈԱԿ	ՀՀ Արմավիրի մարզ, ք.Արմավիր Շահումյան 20	Դպրոցի տարածքում առկա է շինություն, որը ներկա պահին չի տնօրինվում դպրոցի կողմից	Միջոցներ են ձեռնարկվել դպրոցի կողմից գույքի տնօրինումն ապահովելու համար:
«Արմավիրի N 8 հիմնական դպրոց» ՊՈԱԿ	ՀՀ Արմավիրի մարզ, ք.Արմավիր Աբովյան 182	Դպրոցի անշարժ գույքի նկատմամբ իրավունքների պետական գրանցման վկայականնում առկա են հողամասի և շինությունների վերաբերյալ անհամապատասխանություններ	Չափագրման փաստաթղթերը ներկայացվել և հաստատվել են Արմավիրի Համայնքապետարանի կողմից: Կներկայացվեն կադաստրի կոմիտե դպրոցի վկայականի վերագրանցման համար:
«Հացիկի Ավետիս Բաղդասարյանի անվան միջնակարգ դպրոց» ՊՈԱԿ	ՀՀ Արմավիրի մարզ, Արմավիր համայնք, գ. Հացիկ 1-ին փ., 262.	Դպրոցի տարածքում առկա են շինություններ, որը ներկա պահին չի տնօրինվում դպրոցի կողմից	Միջոցներ են ձեռնարկվում խնդրի լուծման վերաբերյալ:

«Հայկականի միջնակարգ դպրոց» ՊՈԱԿ	Արմավիրի մարզ, Մեծամոր համայնք, գյուղ Հայկական, 29 փողոց ,22 շենք	«Հայկականի միջնակարգ դպրոց» ՊՈԱԿ-ի հողամասի մի մասը զավթված է բնակիչների կողմից	Կառուցվում է նոր դպրոց: Դպրոցը Պետական գույքի կառավարման կոմիտեին կհանձնվի շինարարությունը ավարտելուց հետո:
«Լեռնամերձի հիմնական դպրոց» ՊՈԱԿ	ՀՀ Արմավիրի մարզ, Խոյ համայնք, գ. Լեռնամերձ Արագածի 26	Տարածքում առկա է հինքնական շինություն	Աշխատանքներ են տարվում հինքնական շինության օրինականացման համար:
«Վարդանաշենի Մ.Մինասյանի անվան միջնակարգ դպրոց» ՊՈԱԿ	ՀՀ Արմավիրի մարզ, Մեծամոր համայնք, գ.Վարդանաշեն 1-ին փողոց,24 շենք	Կատարվել է նոր չափագրություն,որից հետո իրականացվելու է սեփականության իրավունքի գրանցման գործընթաց	Կառուցվում է նոր դպրոց: Դպրոցը Պետական գույքի կառավարման կոմիտեին կհանձնվի շինարարությունը ավարտելուց հետո:
«Արագածի Մ.Մեխակյանի անվան միջնակարգ դպրոց» ՊՈԱԿ	ՀՀ Արմավիրի մարզ, Խոյ համայնք, գ. Արագած 5փ., 12 շենք	Հարակից շինությունների սեփականատերերի կողմից որոշակի տարածքի զավթում	Այս պահի դրությամբ «Արագածի Մ.Մեխակյանի անվան միջնակարգ դպրոց» ՊՈԱԿ-ի փաստաթղթերը գտնվում են Պետական գույքի կառավարման կոմիտեում:
Արգինայի միջնակարգ դպրոց	ՀՀ Արմավիրի մարզ, Բաղրամյան համայնք,Գ. Արգինա, Աբովյան 40	Բացակայում է անշարժ գույքի նկատմամբ իրավունքների պետական գրանցման վկայականը:	Դպրոցի Հայաստանի Հանրապետությանը նվիրաբերելու հարցը կքննարկվի Բաղրամյան համայնքի ավագանու մոտ օրերս կայանալիք նիստին:
Ալաշկերտի Հ. Քոչարի անվան միջնակարգ դպրոց	ՀՀ Արմավիրի մարզ, Մեծամոր համայնք, գ. Ալաշկերտ 2-րդ փ, 10-րդ շենք	«Ալաշկերտի միջնակարգ դպրոց» ՊՈԱԿ-ի հին կաթսայատունը տարիներ շարունակ օգտագործվում է այլ անձի կողմից:	Պետական գույքի կառավարման կոմիտեին տեղյակ է պահվել, որ բոլոր թերությունները վերացվել են: Սպասվում է Պետական գույքի կառավարման կոմիտեի աշխատակցի այց տեղում իրավիճակին ծանոթանալու համար:
Գեղակերտի միջնակարգ դպրոց	ՀՀ Արմավիրի մարզ, Խոյ համայնք, գ. Գեղակերտ, Մ.Մաշտոցի 22	Հարակից շինությունների սեփականատերերի կողմից որոշակի տարածքի զավթում, հինքնական շինությունների կառուցում	Միջոցներ են ձեռնարկվում հինքնական շինությունների քանդման և հետևանքների վերացման կապակցությամբ:

ՀՀ Արմավիրի մարզպետը, մտքերի փոխանակման կարգով քննարկելով աղյուսակի տեսքով վերը բերված տեղեկատվությունը, ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանին և ՀՀ Արմավիրի մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ Գոռ Հովհաննիսյանին **հանձնարարեց՝ շարունակել արդյունավետ աշխատանքներն աղյուսակում նշված հանրակրթական ուսումնական հաստատությունների տնօրենների և ըստ անհրաժեշտության համապատասխան համայնքների ղեկավարների հետ և արդյունքները պարբերաբար ներկայացնել ՀՀ Արմավիրի մարզպետին:**

Այնուհետև, ՀՀ Արմավիրի մարզպետն անդրադարձ կատարելով նաև ՀՀ Արմավիրի մարզպետին մարզպետի աշխատակազմի կառուցվածքային բոլոր ստորաբաժանումների ղեկավարների և նրանց աշխատակիցների կողմից 2024 թվականին կատարած աշխատանքների վերաբերյալ հաշվետվությունների ներկայացման գործընթացին, **տվեց ներքոհիշյալ հետևյալ հանձնարարականները՝**

1. ՀՀ Արմավիրի մարզպետի աշխատակազմի կառուցվածքային բոլոր ստորաբաժանումների ղեկավարներին՝ նախապատրաստել և 2025 թվականի փետրվարի 21-ից մինչև 25-ներառյալ ընկած ժամանակահատվածում ՀՀ Արմավիրի մարզպետին ներկայացնել իրենց ղեկավարած կառուցվածքային ստորաբաժանման կողմից 2024 թվականին կատարած աշխատանքների վերաբերյալ հաշվետվությունները, հաշվետվության ներկայացման գործընթացին մասնակից դարձնելով նաև կառուցվածքային տվյալ ստորաբաժանման աշխատակիցներին, ովքեր համապատասխանաբար պետք է ներկայացնեն իրենց կատարած աշխատանքների վերաբերյալ տեղեկատվություն:

2. ՀՀ Արմավիրի մարզպետի օգնական Մանվել Մելիքյանին՝ ՀՀ Արմավիրի մարզպետի հետ նախապես քննարկելով հաշվետվությունների ներկայացման գործընթացի արդյունավետ կազմակերպման խնդիրը, կազմել հաշվետվությունների հստակ ժամանակացույց և այն ներկայացնել մարզպետին:

3. Վերը նշված 1-ին կետով տրված հանձնարարականի կատարման նկատմամբ հսկողությունը վերապահել ՀՀ Արմավիրի մարզպետի օգնական Մանվել Մելիքյանին :

Օրակարգային ու մի շարք ընթացիկ հարցերի քննարկմամբ և ամփոփմամբ Հայաստանի Հանրապետության Արմավիրի մարզպետ Արգիշտի Մեխակյանը խորհրդակցությունը հայտարարեց ավարտված:



2025-02-13 09:45:53 GMT+4
Հավաստված է ԷԿԵՆԳ-ի կողմից



ՀՀ ԱՐՄԱՎԻՐԻ ՄԱՐԶՊԵՏ՝

ԱՐԳԻՇՏԻ

ՄԵԽԱԿՅԱՆ

Արձանագրող՝ ՀՀ Արմավիրի մարզպետի
աշխատակազմի անձնակազմի կառավարման,
փաստաթղթաշրջանառության և հասարակայնության
հետ կապերի վարչության պետ՝ Դավիթ Դավթյան

